

奉宪明文优免孔、颜、曾、孟四氏圣裔差徭碑记。

特授充州府正堂加三级纪录五次李，为恩恩照例饬行等事，本年四月初五日，蒙布政司票开，乾隆二十年三月二十六日，蒙署抚都院郭，批。本司呈详四氏学孔传是等，请援例优免杂项差徭缘由，蒙批如详，转饬各州县，仍取具碑摹报查缴。等因批司行府，蒙此合行抄详转饬。为此，仰县官吏照依批详票内事理，即便遵照旧例。将四氏圣裔一切杂项差徭出示晓谕优免。俾约地知有恩例，不得仍行派扰，而四氏圣裔亦得永沐恩施。并即勒石，以垂久远。仍出具碑摹，径送抚都院、布政司及本

府查考，勿违。须至票者，计粘抄详一纸。

右票仰嘉祥县准此。

乾隆二十年四月初十日票。

山东等处承宣布政使司布政使阿，为恳恩照例饬行，勒石垂久，远沐皇恩事。

乾隆二十年三月十七日，蒙署理巡抚部院郭，批据四氏圣裔孔传是等呈称：切孔、颜、曾、孟四氏圣裔，仰承祖业，历朝优崇，一切地亩杂项差，概行免。其散居各处者，俱令所在有司加意优恤。

追顺至元年，思诏内一款：『凡圣门典例，俱应相沿，期於优渥。钦此、钦。一行在案，后因各州县奉行不善，扳扰时开。

顺至十三年，蒙户部行文申饬。凡一切杂项差徭，俱行蠲免，亦在案。

康熙十三年，又蒙户部行文，经前任转饬，仍照顺治十三年旧例蠲免。

康熙四十年，蒙户部复行文申饬，援例咨行，经前宪行文，又即将『一切地亩杂项差徭，概行蠲免，如有复行派扰者，详报究处』等语各在案。

康熙四十七年，蒙前宪赵，行文通飭，遵照部文内蠲免。

乾隆五年，曹州府孔兴，本具控前宪硕，行文黄河料物等差，照旧例免。县立碑永禁，仍取碑摹送查。是孔、颜、曾、孟免差之例，十奉恩诏，又蒙部台、宪台，屡次飭行，由来久矣。

兹日久弊生，充属各州县有遵例蠲免者，复有捺案不行者。是使四氏圣裔，竟有得蠲免不得蠲免之殊。而所谓一切地亩杂项差徭尽蠲免者，几不彰矣。四氏圣裔，累难甘，因公吁宪台大
人恩准照例，飭行充属各州、县，蠲免四氏圣裔一切地亩杂项差徭，并飭各州、县治，将勒石以垂久远。则四氏圣裔，优游

於光天化日之中，免追拖累之苦，不惟四氏圣裔永沐隆恩，而维持之功，亦与金石并垂不朽矣。沾恩上呈等情。蒙批四氏圣裔其一切地亩杂项差福，自应优免。布政司查明旧例，定议详报，以凭飭遵。等因批司。

蒙此卷查康熙四十九年六月初九日，蒙前抚部院蒋，案验一件，恳恩再给明文，严行申飭事。

康熙四十九年六月初五日。蒙户部咨山东清吏司案，呈奉本部送，据五经博士孔传、颜崇敷、曾尚溶、孟贞仁、仲承述、闵兴汶、东野枝盛等呈称：职等仰承祖业，蒙历朝优崇。凡属圣

贤后

裔，以及庙丁、礼生、乐舞，一切地亩杂项差徭，概行蠲免。后州县捺案不行。於康熙二十二年、四十年，两次复具呈本部，均蒙移咨东抚，照例飭行在案。诚恐相沿已久，州县复行派扰，伏乞部台恩准，照例移咨东抚，严行申飭。等因前来。

查康熙四十年四月内，据五经博士孔毓埏等具呈本部移咨该抚，申飭在案。今据五经博士孔傅等具呈，相应行文东抚，再加严行申飭可也。为此合咨，前去查照施行。

等因咨院行司，当经转行，严行申飭在案。今据四氏学孔传是

等，以各州县奉行不善，有遵例蠲免者，亦有捺案不行者。援例呈请本部院严飭，蒙批本司查明旧例，定议详报等因。遵即卷查康熙四十九年六月内，奉准户部咨文。

据五经博士孔傅等呈称：职等仰承祖业，蒙历朝优崇，凡属圣贤后裔，以及庙丁、礼生、乐舞，一切地亩杂项差徭，概行蠲免。移咨东抚，严加申飭，遵行在案。今据四氏学孔传是等，援例呈请优免一切杂项差徭，似应飭令循照旧例，出示晓谕优免。庶约地知有恩例，不敢仍前派扰，而四氏圣裔均得永沐恩施。并应转飭各州县勒石垂久，仍取碑摹送查。缘奉批飭查议，

是否允协，拟合呈祈本部院鉴核，批示飭遵。

乾隆二十年三月二十六日，蒙批如详，转飭各州县，仍取具碑摹报查缴。

皇清乾隆二十年五月上浣吉旦

兖州府嘉祥县知县加三级纪录五次建水震山立石

四氏学生员曾贞性书丹

礼房经承张邦仰督工

石匠庞振基蔡玉镌字